

海外異傳

全

281

0  
1  
2  
3  
4  
5  
6  
7  
8  
9  
10  
11  
12  
13

タイトル番号 : 0098

書名 : 海外異傳

1冊

嘉永庚戌新鐫

# 海外異傳

全

惜陰書屋藏梓



海外異傳

鱗江侯題字一

惜陰書屋

七下



活夕身作

藏版



海小異傳  
鯖江侯題字二  
惜陰書屋

侍

海外集傳

藏版

日美 原成美

海外集傳

鯖江侯題字三

惜陰書屋

心筆



讀海外異傳



盛世無由試錯盤。遠  
懷利器去求餐。我冠  
重見同舟客。非復當  
時袴下韓。  
螿毒橫流蠢尔蠻。片

帆歌愾入台灣。一身  
是膽。曾吞賊。帟穴從  
容。獲子還。

物光慘淡。北風臙。胡  
騎如雲。壓海堧。大廈  
傾來。孤木在南。壇支

得卅餘年。

妖氛旦夕。暗邊陲。豈  
是高堂酣醉時。史筆  
凜然吐生氣。揭將三  
傳警恬嬉。

閑人多事。擔閑憂。却

向世間要汗牛。安識箇中寓深慨。勝他防海萬言籌。

嘉永庚戌中元

李門祐相撰



福山小島知是書

海外異傳

津藩齋藤正謙著

鐵研子曰。我大日本之爲邦。寶劍開基。俗尚信義。將勇而士強。爲四方所畏服。自倭武東伐神功。西征呂降。以至比羅夫立功。肅慎田村丸震威。蝦夷源鎮西。開祚流蚪。源判官傳名東韃。平相州殲蒙古十萬衆。豐太閣屠鯢域破明師。並赫赫在人耳目。不待稱述也。若夫近世山田長正之霸身毒。濱田彌兵之脅

紅毛鄭大木之王臺灣亦我皇國之餘烈而世或不詳其事蹟豈不惜哉作海外異傳暹羅國在南天竺隋志稱爲赤土暹與羅斛本爲二國當元之時合爲一周迴萬里物豐人繁號爲善國而我山田長正霸於此云長正字仁左衛門或曰伊勢祠官之隸或曰尾張人自稱織田右府之孫少而礪落有大志不事商販作業好譚英雄傑自喜流落寓於駿府元和初天下始定士之求仕者皆于侯伯長正弗屑曰此

間無立功名處唯游海外或可以展吾志耳時下海無禁府有經商二人曰瀧曰太田將航海回易臺灣艤舟於大坂長正請附乘之二人弗許長正乃先到大坂求二人之舟入而匿焉既而二人至揚帆而發長正乃從艙間出申前請二人大驚不能如之何許之既到臺灣商事畢將俱還長正曰某在鄉國殆不能自存姑欲畱此土覓喫飯處一人方患長正之狂心私喜委而去之方此之時支那姦民稱日本甲螺誘我



邦邊民占據臺地。長正通覽地方。蕞爾一嶋。且已有主。不可有爲也。又附蠻舶。西游暹羅。會邦內騷亂。四隣交侵。而六昆最強。暹羅國主出師禦之。長正見其行軍無紀律。私言其必敗。旣而果然。人或傳其語。聞於國主。國主竒之。召見長正。詢方畧。長正指畫陳策。鑿鑿可用。國主大喜。擢長正爲上將軍。往禦六昆。時本邦人流寓暹羅者衆。長正糾合數百人。雜以土兵。亡慮萬餘人。皆爲日本裝。聲言日本援兵大至。六昆軍沮。

因縱兵奮擊。大破之。六昆王憤甚。傾國來寇。兵數十萬。長正曰。敵衆強盛。難與爭鋒。唯以謀撓之。破之易易耳。乃分軍爲二。一伏山陰。一艦海澨。長正親率其一。出於海陸之間。進挑戰。兵旣交。佯敗走。六昆兵追之。將及。號砲俄發。海陸二軍。吶喊齊進。火鎗亂發。長正視機及之。衷敵軍前後擊之。大破六昆兵。殺數萬人。遂追北。長驅入其都。擒六昆王以歸。威震遠近。四隣爭送款於暹羅。於是國主大賞長正。妻以其女。封六昆。

及匹皮雷之地。號曰唵普良。唵普良蓋諸侯王之謂也。久之國主年既高。頗倦勤。使長正攝行國事。於是唵普良之名。噪於印度諸國。而本邦地隔遠。未聞知也。數歲。瀧太田復回易海外。行到暹羅。既入其界。迺勞之使。沓至。相迎入館。少焉。有吏來戒。王召見二人。二人初不知其故。心頗疑懼。且從吏入見。王冠服在交椅上。金珠綵目。儀衛甚盛。二人俯伏膝行。不敢仰視。及退就館。飲食供御。如待貴客者。意益不安。既夜。復有

吏傳呼至曰。王來。二人驚出迎。王僂服入坐。笑拍二人之肩曰。故人無恙。二人愕眙仰視。乃長正也。長正自備說其發跡之由。二人叩頭謝曰。鄙人愚矇。嘗相從於塵埃中。無禮獲罪多矣。不意大王能自致於寥廓之上也。長正曰。予之有今日。實由二子之賜。抑人有德於我。可不報哉。既罷。厚賜遣之。本邦商旅聞之。多游暹羅。長正皆善遇之。長正雖富貴。而常懷桑梓不置。每臨戰。遙禱於駿府淺間之神。軍輒勝。至是命工摹